

Allanguutissatut siunnersuut

uunga

Uunga siunnersuut: Uumasunik illersuineq pillugu Inatsisartut inatsisaata allangortinneqarnera pillugu Inatsisartut inatsisaat nr. xx, xx, xxx 2019-imeersoq (Naalakkersuisunut oqartussaasutut pisinnaatitaanermik nuussineq aamma uumasunik kinguaassiuutitigut atoqateqarnermut inerteqqussut)

Pingajussaaneernejarnerani Naalakkersuisuniit saqqummiunneqartoq.

§ 1-imut

1. § 1, nr. 4-mi, § 3 a, ima oqaasertalerneqassaaq:

” **§ 3 a.** Uumasunik kinguaassiuutitigut atoqatiginninneq imaluunniit kinguaassiuutitut tunngasunik iliuuseqarneq inerteqqutaavoq, taamaattorli imm. 2 takuuk.

Imm. 2. Uumasut katsorsarneranni nakorsaattortitsineq imaluunniit uumassusilerinermit teknikkimik pissuteqartumik suliarineqartut, iliuuserineqartut inerteqqummut ilaangillat, matumani kinguaassortitsineq, amerliartortitsineq uumasunik misileraaneq imaluunniit allanik akuerisaasumik tunngaveqartut ilanngullugit.”

2. § 1, nr. 5-imi, § 22, imm. 3, ima oqaasertalerneqassaaq:

“ *Imm. 3.* Uumasut nakorsaata imaluunniit qimmeqarnermut nakkutilliisup uumasooq ajoqusersimasoq napparsimasorluunniit takusaruniuk uumasooq ajorunnaarsinneqarsinnaangippat, uumasullu uumatiinnarnissaa pisariaqanngitsumik anniarnermik kinguneqassappat, uumasuuteqartoq akisussaasoq inassavaa uumasooq piaartumik toqtuseqqullugu. Uumasooq toqunneqanngippat uumasut nakorsaata imaluunniit qimmeqarnermut nakkutilliisup uumasuuteqarnermut oqartussanut pisoq 24 tiimit iluanni nalunaarutigissavaa.”

3. § 1, nr. 6-imi, § 23, imm. 6, ima oqaasertalerneqassaaq:

“ *Imm. 6.* Peqqussutit imm. 1-imiit 5-imut tunngasut allaganngorlugu nalunaarutigineqassapput. Uumasumut akisussaasuusoq oqaaseqarnissaminut periarfissaqartitaassaaq. Oqaaseqaat uumasuuteqarnermut akisussaasut qaammatisiutit malillugit ullut 14-it iluanni tigussavaat.”

4. § 1, nr. 10-mi, § 27, imm. 3, ima oqaasertalerneqassaaq:

“ *Imm. 3.* Inatsimmi imaluunniit malittarisassiani taanna malillugu aalajangersarneqartuni akiliisitsinissamik piginnaatitsisoqarpat, inatsisit malillugit inuttut isigineqartoq Kalaallit Nunaanni Pinerluttulerinerineq pillugu Inatsimmi malittarisassat malillugit akiliisinneqarsinnaavoq.”

Siunnersuummut oqaaseqaatit

Nalinginnaasumik oqaaseqaatit

Inatsisissatut siunnersuummi kalaallisoortaata qallunaatoortaatalu assigiinnginneri paasineqarsimanera tunuliaqutaralugu allannguutissatut siunnersuut saqqummiunneqarpoq. Siunnersuutip kalaallisoortaata qallunaatoortaatalu oqaatsisigut taamaalillutik naapertuunnissaat siunnersuummi qulakkeerpeqarnissaa siunertarineqarpoq.

Siunnersuutip qallunaatoortaani allanngortoqannginnissaa allannguutissatut siunnersuutip kingunerivaa.

Siunnersuummi aalajangersakkanut ataasiakkaanut oqaaseqaatit

Nr. 1-imut

Siunnersuutip § 1, nr. 4 (§ 3 a), kalaallisoortaani oqaaseqatigiit ”uumasunut teknikkimik” atorneqarput. Qallunaatoortaani ”zootekniske” atorneqarpoq. Kalaallisuunngortinnerani ”uumassusilerinermi teknik”-i atorneqarpat eqqornerussaaq.

Nr. 2-mut

Siunnersuutip § 1, nr. 5 (§ 22, imm. 3), qallunaatoortaani allaqqavoq ”aflives straks”. Kalaallisoortaani takuneqarsinnaavoq ”uumasoq toqutseqqullugu” atorneqarsimasoq. Taamaalilluni oqaaseq ”piaartumik” kalaallisoortaani amigaataavoq.

Nr. 3-mut

Siunnersuutip § 1, nr. 6 (§ 23, imm. 6) qallunaatoortaani allaqqavoq ”efter stk. 1-5”. Innersuussut taanna kalaallisoortaani amigaataavoq.

Nr. 4-mut

Siunnersuutip § 1, nr. 10 (§ 27, imm. 3) qallunaatoortaani allaqqavoq ”Hvor loven eller forskrifter”. Oqaaseqatigiit taakku kalaallisoortaani naleqqussarneqarput.